

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第二九冊

地方志人物傳記資料叢刊

國

家

圖

書

館

編

北京圖書館出版社

第二十九冊目錄

(光緒)文登縣志(二)

人物一	一
人物二	一一一
人物三	二四九
寓籍	三三九
列女	三四九
附節烈文	四七八
釋道	四九八

(乾隆)威海衛志

官守志	五一七
貢舉志	五四二
人物志	五六八

(道光)榮成縣志

職官志	五八五
選舉志	六〇〇
人物志	六一七
藝文志	六四〇

(光緒)海陽縣續志

職官門	六五三
科貢門	七〇六
獎叙門	七四七
封蔭門	七五一
文武仕門	七八九
人物門	八〇七
外祀門	八四三
傳	八四七
墓誌	八六四

文登縣志卷八上

人物一

舊志人物分鄉賢忠臣孝子節義吏蹟文學潛德諸目門類繁碎今謹遵一統志之例不區門類彙爲三卷其已登科目膺官秩及邀封贈卹典入祀鄉賢忠義孝弟等祠或著述名家能自顯於世者爲二卷其爲善於鄉或激公好義敦品勵學及一技一藝擅長未經表揚者爲一卷其見於榮成志者不復載

舊志人物首列先賢申棖云其後居溫泉都者甚衆申家莊其故里也按史記及闕里志俱云申棖魯人宋祥符間封文登侯文登在周爲萊子地自襄公六年齊侯滅萊地入於齊申棖魯人不應居齊境內或其後裔播遷於此居縣境之申家莊亦未可知但以棖爲邑人顯與史記闕里志諸書不合故不敢載又舊志列漢鄭康成於人物康成高密人遭亂避居復還故土今列於寓籍以土著爲斷

唐

畢元愷登州刺史子惠困窮民懷其德神龍三年於王疇集北山獲白

鹿以進因名其山爲白鹿山見一統志

畢氏家乘

按元愷爲邑中畢氏之祖考其家乘漢初自陝避亂遷於邑東南之斥山後世遂家焉新登州志以元愷爲甯海刺史未知何據甯海志謂爲蓋州人更誤水經注含涯縣有白鹿城城南有白鹿岡咸康中

張魴爲縣有善政白鹿來遊故城及岡名焉白鹿
名山與張魴事相類蓋亦元愷善政所致也

于承福開元間人工書法遒勁有筆勢所書開元十八年碑爲金人磨

去碑側尙存

見大定十二年儒學記

宋

呂亢字失考北宋進士官台州臨海令多識草木蟲魚著有蟹譜一卷

容齋四筆臨海蟹圖文登呂亢多識草木蟲魚守官台州臨海命工作蟹圖凡十有二種一曰螭蚌乃蟹
之巨者兩螯大而有細毛如笞八足亦皆有微毛二曰撥棹子狀如螭蚌螯足無毛後兩小足薄而漸闊
類人之所食者然亦頗異其大如升南人皆呼爲蟹八月間盛出人採之與人鬥其螯甚巨往往能害人
三曰擁劍狀如蟹而色黃其一螯偏長三寸餘有光四曰彭蠡螯微毛足無毛以鹽藏而貨於市爾雅曰
彭蠡小者螯云小蟹也蟬音澤螯音勞吳人呼爲彭越搜神記言此物嘗通人夢自稱長卿今臨海人多
以長卿呼之五曰竭朴大於彭蠡殼黑斑有文章螯正赤常以大螯障目小螯取食六曰沙狗似彭蠡壤
沙爲穴見人則走屈析易道不可得七曰望潮殼白色居則背坎外向潮欲來皆出坎舉螯如望不失常
期八曰依望亦大如彭蠡居常東西顧睨行不四五又舉兩螯以足起望惟入穴乃止九曰石礪大於常
蟹八足殼通赤狀若鵝卵十曰蜂江如蟹兩螯足極小堅如石不可食十一曰蘆虎似彭蠡正赤不可食
十二曰彭蠡大於螭小於常蟹呂君云此皆常所見者北人罕見故繪以爲圖又海商言海中鼃鼃鳥之

東一島多蟹種類甚異有虎頭者有翅能飛者有能捕魚者有殼大盈尺者以非親見故不畫李履甲得其一本爲作記予家楚官游二浙聞廣所識蟹類多矣亦不悉與前說同而所謂黃甲白蟹蟬蠟諸種呂圖不載豈名謂或殊乎故記其詳以示博雅者

金

郭長倩字曼卿登皇統丙寅經義乙科仕至秘書少監兼禮部郎中修起居注與施明望王無競劉崑老劉無黨相友善所撰石決明傳爲時

輩所稱有崑崙集行於世

金史文藝傳中州集與金史同惟傳末多子天驥三字

王志宋高宗南渡中原文獻幾墜於地邑又僻近海濱自鄭康成教授長學山千餘年罕有聞人長倩出而起衰救弊東方學者慨然興慕古之思以長倩爲泰山北斗與之遊者如施明望王無競劉崑老皆當時知名士著有石決明傳崑崙明道集行世今無存惟大定間移修學宮碑記巍然屹立斑駁陸離猶如摩挲於石鼓文云

學宮碑見學校中州集載長倩七律一首附後

義師院叢竹

南軒移植自西壇瘦玉亭亭十數竿得法未應輸老柏植根兼得近幽蘭雖無纓豔包春色自許貞心老歲寒百草千花盡零落請君來向此中看

邑人于熙學題文登縣學記詩

潁水金源記曼卿崑崙山好見高情祇憐詩載中州集不得文傳石決明

自金史中州集一統志通志舊府縣志皆以長倩爲文登人大定十二年學宮碑猶存結銜云邑人郭長倩撰新登州志忽以長倩爲甯海人故里在南鄉郭家埠修志者未見學宮碑並金史諸書故爲此臆說

也

郭天錫長倩從子隱居不仕自號崑崙無學子工書法筆情豪邁似蘇米同時有于懷瑾者自號崑崙逸民文詞雅麗隱於農桑東華宮全眞社記懷瑾撰文天錫書丹石刻猶存皆大定間高尚士也

大定二十七年天錫所書全眞社記結銜云故中議大夫秘書少監姪崑崙無學子郭天錫書丹甯海志誤採且云官至中議大夫秘書少監不知天錫所書乃借用長倩之銜甯海志未見中間多一姪字遂直以天錫爲少監矣新舊登州志誤同歐志又作進士秘書少監愈誤愈甚矣

郭榮祖大定明昌間進士工文詞尤擅書法大定十二年新修儒學記長倩撰文榮祖書丹楷法娟秀碑陰摹歐陽筆意更清超雅健作者書

者人稱二難

董居仁大定間進士時郭長倩起衰振靡爲登州古文之祖一時之士皆彬彬有法度居仁所著不傳舊志載其縣令王公去思碑記叙事謹嚴不尙馳騖長倩之亞也

考金大定十二年學宮碑題名同時進士二十一人今惟郭長倩郭榮祖董居仁三人有文詞可見餘皆不傳

王震爲進士學母患風疾刲股肉雜飲食中疾遂愈母歿哀泣過禮目生翳服除目不療而愈皆以爲孝感所致特賜同進士出身詔尙書省

擬注職任

金史孝友傳

天啓志王震幼業儒家貧不能給父先歿棄而耕植以奉母母常患風疾震刲股肉雜飲食中以進母疾遂瘳母歿哀毀踰禮兩目皆翳服除不治而愈人皆以爲孝感所致事聞上試其文卓有學識賜同進士出身詔尙書省擬注職任授教授一等職聞震之風皆丕變東土遂成美俗

金史明昌二年以有司奏甯海州文登縣王震孝行以營業進士并試其文特賜同進士出身仍注教

授一等職任孝友傳及舊志不著年代詳見章宗本紀今祀忠義祠

宏簡錄章宗卽位宰臣因奏近言事者謂方今孝弟道缺乏正風俗比來官吏多責近效以幹辦爲上不能奉宣教化其有秉心寬厚欲行德化者輒謂之迂闊此孝弟所以廢也若論所在官吏有能務行德化者擢而用之則教化可行孝弟可興矣上因問宰臣從來孝義之人曾官使者幾何左丞守貞對曰先朝劉政者嘗官之然多淳質不及於事上曰豈必盡然凡稱孝義素行已備稍有可錄卽當用之後雖有希覲作僞者猶不失爲善可檢勘前後所申具名以聞明昌二年因舉文登縣人王震嘗肄舉子業母患風疾刲股愈之母歿哀泣過禮目乃生翳服除不療而愈以爲孝感特召赴闕并試其文賜同進士出身詔尙書省擬注教授一等職任

王世昌年十三以奇童舉賜經童及第大定明昌間擢進士書法雅潔

所書溫公和尚石幢屹立荒冢煥然猶新

香巖寺西北有故溫公和尚石幢金承安二年立結銜云進士郭榮祖撰進士王世昌書丹則世昌與郭榮祖同時爲金世宗章宗時人王志列於明洪武徵辟失之遠矣歐志列於元代亦不合考金史選舉志經童之制凡士庶子年十三以下能誦二大經三小經又誦論語諸子及五千字以上府試十五題通十三以上會試每場十五題三場共通四十一以上爲中選熙宗二年詔闢貢舉始備其列天德間廢之大定二十九年復置明昌二年參知政事胥持國議經童中選者勿令遽登仕途必習舉業而後官使之若能擢進士第自同進士任用詔議行之世昌蓋先舉經童而後擢進士在大定明昌間考之金史可知其時代矣又考元好問御史程君墓表程震以章宗明昌二年經童出身補將仕佐郎尋擢王剛榜詞賦進士乙科則先舉經童復擢進士明昌以後嘗有之矣

王良臣世昌子

王

貞祐間進士官甯海州學正州志楷法精妙不減柳

少師

崑崙聖水巖有金貞祐中碑結銜云文登進士王良臣書丹則良臣爲宣宗時進士王志列於洪武徵辟歐志列於元代俱誤又王志良臣子天龍官學正天龍子仁官德州知州列於永樂徵辟年代懸隔於理不合歐志王天龍元至元七年任甯海州學正王仁任德州知州亦列元代或不誤也 按迎仙橋重修碑題名有德州知州王仁義元末人舊志誤作王仁

畢天祐奉親至孝名播鄉閭子文貴字顯之明昌三年拜大中大夫上

柱國賜銀魚袋

龍山畢氏
先塋碑

于敬祖字孝先倜儻有大略會金季板蕩兵革不息孝先充鄧州鎮守把軍千戶保固封圉招集流亡羣黎無寇掠之虞異日言旋士庶莫不

流涕

洪水瀾于
氏耐葬碑

于斌敬祖孫金末充宣銳軍副千戶授忠顯校尉元興養素安居不復

仕進人服其高節

洪水瀾于氏祔葬碑

于忠漢丞相定國之後金季爲將軍副統掌持縣事是時天下大亂強暴相凌忠率官兵救護一邑之民全賴以活各得相保年六十卒

崗頭于氏墓碑

元

刁通字叔達世居城西三十里長學山陽幼涉詩書賦性聰慧宗族鄉黨稱其孝悌弱冠附籍從軍慨然長往時值亂離仗義卻賊人藉其庇初隸李璫麾下授忠翊校尉通不義璫之所爲棄歸鄉里至元六年大軍取襄樊二州通仗策從征阿朮丞相選饒銳精兵三百餘名付通總把充拔都先鋒七年二月於襄陽府方山縣遇南兵馳馬突擊之斬首百餘級南兵潰亂大敗九年三月通副張九元帥攻樊城克之斬首萬

級十一年伐宋復從丞相伯顏攻破沙洋新城渡江授進義校尉管軍
總把十二年二月與宋將孫虎臣戰逐之江內虎臣遁去遷武略將軍
管軍千戶復攻通泰等州以功賜銀牌仍管千戶事十三年至揚州生
擒李制置姜都統等擢宣武將軍管軍總管兼管領東征漢軍招討使
司事佩金符鎮揚州通遇敵用兵神機不測或忽常而忽變或先正而
後奇東逾日本南抵瓊崖歷險度艱無不默識於心從征三十年未嘗
敗北也通卒長子懷寶襲招討懷寶性柔善重然諾廉介不苟克守家

風

長學山陽刁氏先塋碑

甯海鄉貢進士鍾崇德故招討刁公神道碑

至元十一年詔大丞相伯顏總統諸將渡江伐宋是時凡有材智之人莫不乘其際會奮發効忠期以功名自見招討公時年甫壯驍悍超絕仗策從之是秋六師大會於襄禮部尙書斷事官劄付公充總把領本縣軍三百四十進圍樊城阿朮元帥選公領拔都軍爲上百戶隸張九萬戶戰鬥獲功賞白金一錠宋

立自萬東山突出公佐李左丞首出折敵賞鈔五十兩打樊古城先登又賞鈔五十兩攻樊城先登者再亦賞鈔五十兩丞相遂擢帳前領合必赤軍攻沙洋新城先登者再賜爵進義校尉管軍總把天兵渡江公挺戰艦折衝爲多攻揚幕府於丁家洲戰敗宋將孫虎臣遂寵以銀符略定鎮江生獲宋將二人丞相分屬李左丞下海擒宋張宣使尋受命加武略將軍管軍千戶攻泰州新城先登奪月樣仁子完者都左丞以聞詔錫金符遷上千戶丞相命領拔都蓋軍下海追宋將姜都統遇於馬口沙公出口戰一百餘里獲船七艘殺傷不可勝計萬戶昔里罕奏陞宣武將軍至元十八年膺虎符征東招討使帥漢軍四千七百餘下定海風浪阻進振旅還皇朝民夷既定詔仍職宣命佩金符上千戶管新符漢軍並八百六十五戶總領揚州世世無絕國朝兵制將帥皆以所統戶數爲名故有百千萬戶三等其符節金銀虎符亦三等以爲遷拜爵賞之漸計所佩符節子孫得以襲職故刁氏至今佩金符者已四世矣今公會孫鵬翼嗣服宗職始□年矣因自仰惟冒承餘慶而祖之靈嚴尙留荆莽祖之勳爵鬱然未彰九原之神豈云無憾後來之裔何所考德而忠孝之風不幾墜乎於是卜期定葬徵文於僕因傳不朽僕聞公之風讀公之傳雖不識公亦得其梗概矣謹按其狀以述之公諱通字叔達文登長學山陽人也世以農業公生而殊常長益勇健沈重有謀甫成人遭時搶攘郡人賴之李壇擅兵公充本戶軍從其攻戰蒙賞馬一匹爵忠翊校尉佩銀符充博興州都巡公不義壇之所爲棄歸鄉里後天兵南下仗劍從征公騎射材趨智勇過人或決勝於鄰敵或獻籌於帳幄冒矢石登城壘擒獲折衝計功受賞殆無虛歲丞相數引慰諭公對以爲家盡孝爲國盡忠古之制也丞相大悅曰霖因拔都也蓋顏最好驍將其在行陣明部伍肅威儀指揮號令罔不惟允事堅銳幾三十年南抵瓊崖東臨日本百歷艱關未嘗有難色每自誦曰此吾立功之秋也逮國家昇平輒歸桑梓追感劬勞築理壽藏冥其考妣嗚乎公之爲人可謂得其忠孝之道雖古名將不是過也宜其爵祿延綿子孫蕃衍天之報公亦豈偶然而已哉故公天年享壽七十有九薨於家時至大改元十月望日也配夫人王氏八子八孫各身諱字俱載石陰茲不暇錄適嗣曰懷寶襲職以宣武將軍

佩金符管軍如故性柔善重然諾廉介不苟壽七十有七配劉氏贈宏農郡君三子長士敬以武略將軍仍襲祖職爲人豪邁有乃祖之風當至順元年八番叛亂以師削平天厯元年護聖駕龍飛未及受賞以疾終於家壽六十有五配宮氏宣封宏農郡君三子長曰鵬翼卽招討之曾孫見佩金符以召信校尉鎮守揚州乞假歸鄉同其叔士敏戮力精勤以修葬事又設牲祀以妥公靈可謂孝矣嗣續祖職有光無辱可謂忠矣以忠孝之心奉揚祖烈以示將來是宜爲銘銘曰

皇元一統道闢乾坤南蠻障阻孰撤籬藩刁公天挺熊虎桓桓風雲際會奮翼孤騫飛渡長江雷風駿奔摧山倒海斬蛟戮蜃淮夷旣奠勳奏天闕帝曰壯士寵以殊恩金符武爵旌賞其貢功高祿重覆育雲孫究其所以忠孝淵源本支百世爰以永存嗚乎偉哉善慶有根苗裔鑒此勿墜爾門

據神道碑通之先自唐迄宋世居長學山陽王志列通於流寓以爲山陽人宋末兵亂來文登舊登州志以爲萊陽人俱誤

刁士敬懷寶子以武略將軍襲祖職豪邁有通風至順元年八番叛亂率師削平之值至順三年文宗崩於上都未及受賞以疾卒於家長子

鵬翼以昭信校尉鎮守揚州

刁招討神道碑

按元史文宗紀至順元年八番乖西歸苗阿馬察伯秩等萬人侵擾邊境詔樞密臣分兵討之士敬立功當卽此時碑中敘以至順元年與元史合王歐二志誤作八年至順只三年無八年

王珣邑東北楊庭村人父慶元初從軍授百戶珣於至元十二年從元

軍伐宋收復蘇杭諸城池攻塔石寨獲宋將朱貴等後官南海縣招徠
百姓十餘萬戶授敦武校尉管軍總把晉管軍百戶子玉素有志操勇
捷超羣大德二年襲父職官百戶王氏一家從軍效命疆場有攻襄陽
陣亡者有於臨江縣陣亡者殘碑剝蝕不能盡詳也

大德十年
王氏墓碑

韓成狀貌魁梧有材力善騎射弱冠從軍元帥伯顏奇之諸將亦推其
勇敢使充本翼鎮撫口口至元六年攻取襄樊分守鎮陽十一年伐宋
攻大江浮橋累戰累捷十三年攻常州奪其南門敕賜進義副尉管軍
百戶世職鎮守杭州年九十八卒於家子贊襲父職充杭州翼管軍上
百戶贊爲人率性剛直不畏強禦敕授敦武校尉贊卒子敬襲敬卒子

全禮襲

韓家山韓
氏先塋碑

馬顯其先出於扶風父付性慷慨勇智過人元初充管民百戶年老顯襲以海州戰功賞大絹五十匹復授都統賜馬一匹大絹七百匹復以攻東海功充管軍正百戶兼赤山寨巡檢中統三年李璫叛亂奉身而退至元十年隨攻樊城首先出衆獲功賞鈔其後攻黃江縣堡沙洋新城攻常州收復湖秀等處皆有功十四年授敦武校尉管軍總把二十四年攻江家洲箭傷舉發退職子信襲百戶信卒子得祿襲得祿卒子

麟襲

泰定四年
馬氏墓碑

王珍幼習書史慷慨有大略元初天下擾攘海內塗炭珍矍然起曰大丈夫風雲際會之時當獵功名取富貴得志則施恩濟衆焉能久伏畎畝間乎乃應役從軍每遇戰伐輒先進軍士有怠者珍激以義曰男兒

當死於疆場馬革裹尸而葬耳臨陣畏戰非丈夫也自是戰無不勝屢立奇功數加優賞初授總領官值大軍南伐回屯淮陽欲徑北渡有敵船萬餘艘蔽淮往來橫截中流大軍不得進思欲西道桐柏而山川悠遠人馬疲困野無所掠衆心稍懈珍乃約願戰諸士諭之曰不入虎穴不得虎子長江大海亦可渡越何有於淮士皆踴躍從之珍左操舟右挾刃多用奇計攘臂大呼直衝萬船之中出入往復如履平地鏖戰經日聲色愈壯敵畏其神速所向皆靡首殺渠魁大獲舟楫衆師因以渡於淮大將贊之曰百萬之衆利涉大川子之力也挫彼寇之鋒彰我師之銳於古未有深可嘉尙遂遷昭武大將軍元帥左都監諸軍千戶膠西縣主簿自後累立戰功優邁前效屯戍耕戰身任軍旅之事四十餘